



DEPUTACION PROVINCIAL DA CORUÑA
SERVIZO DE PATRIMONIO E CONTRATACION



CONCELLO DE ARTEIXO

Numero 152 /2016

CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E O CONCELLO DE ARTEIXO PARA A CESIÓN DE USO GRATUITO Á DEPUTACIÓN PROVINCIAL DE A CORUÑA DE PARTE DO EDIFICIO DENOMINADO CENTRO TECNOLÓXICO ARTEIXO, SITO NA AVENIDA ARSENIO IGLESIAS, PARA REUBICAR A OFICINA PRINCIPAL DA ZONA RECADATORIA Nº 1 DO SERVIZO DE RECADACIÓN

Na Coruña, 28 de outubro de 2016

REUNIDOS

D. Valentín González Formoso, Presidente da Excma. Deputación Provincial da Coruña

E doutra parte o Sr. Carlos Calvelo Martínez, Alcalde Presidente do Concello de Arteixo

Os comparecentes interveñen en uso das facultades que, por razón dos seus cargos, estalles atribuídas, actuando ambos no exercicio dos seus respectivos cargos e conforme á representación que ostentan e recoñecéndose reciprocamente capacidade para obrigarse nos termos deste documento

MANIFESTAN

1. O Pleno do Concello de Arteixo en sesión ordinaria celebrada o 27 de febreiro de 2014 presta aprobación á CESIÓN GRATUITA A DEPUTACIÓN PROVINCIAL DA CORUÑA, DUN ESPAZO NO CENTRO ARTEIXO INNOVACIÓN, DENOMINADO CENTRO TECNOLÓXICO DE ARTEIXO, por un período de 10 anos prorrogables tacitamente por períodos sucesivos e cunha superficie de 88,87 metros cuadrados sendo aceptada dita cesión polo Pleno da Corporación Provincial en sesión celebrada o 25 de abril de 2014.

O Concello de Arteixo pon a disposición da Deputación Provincial da Coruña outro local dispoñible no mesmo Centro Arteixo Innovación, sito na Avenida Arsenio Iglesias, 46 que reúne as condicións adecuadas para reubicar no mesmo as citadas oficinas, debido á súa maior superficie, tanto para o desenvolvemento do traballo do persoal da zona, como desde o punto de vista da atención ao contribuínte, e que viría a substituír ó actual.

E dado os intereses coincidentes da Deputación e do Concello de Arteixo ambas as dúas partes

ACORDAN

Formalizar o presente CONVENIO DE COLABORACIÓN conforme ás seguintes cláusulas:

I.- OBXECTO

O presente convenio de colaboración entre a DEPUTACIÓN PROVINCIAL DA CORUÑA E O CONCELLO DE ARTEIXO CIF P-1500500-B, asínase para a cesión de uso gratuíto pola Deputación provincial da Coruña dun espazo no centro Arteixo Innovación denominado Centro Tecnolóxico de Arteixo, situado na Avenida Arsenio Igrexas, para a súa utilización como oficina tributaria e recadatoria da Zona 1. En concreto trátase de dous locais que unidos teñen unha superficie útil de 100,34 m2, repartidos en 83,31 m2 para atención ao público e 16,18 m2 para zona de despacho (e que se describe no plano que figura como anexo), que substitúe ao local cedido en virtude do acordo plenario de data 27 de febreiro de 2014 do Concello de Arteixo e do Pleno da Corporación Provincial en sesión celebrada o 25 de abril de 2014.

II.- DESTINO

A Deputación destinará o local a oficina principal da zona recadatoria número 1 do Servizo Provincial de Recadación

III.- CONDICIONS DE CESIÓN

Establécense as condicións de cesión do local á Deputación, que son as seguintes:

1. O Concello de Arteixo pon ao dispor da Deputación provincial da Coruña o citado local dotado de instalacións de enerxía eléctrica, auga e teléfono así como as conexións a Internet e outras imprescindibles para o desenvolvemento das funcións tributarias recadatorias da Deputación.
2. O mobiliario así como o equipamento informático e administrativo será a cargo da Deputación Provincial.
3. O consumo de teléfono imputable á oficina recadadora será por conta da Deputación.
4. O consumo de enerxía eléctrica e auga será por conta do Concello.
5. O Concello de Arteixo abonará os gastos do seguro de bens do citado local.
6. A cesión inclúe as autorizacións necesarias por parte do Concello para a localización dun ou máis caixeiros automáticos que faciliten aos cidadáns as relacións coas entidades financeiras colaboradoras que se derivan da actividade tributaria e recadadora, na localización que produza o menor trastorno posible no funcionamento das demais oficinas e servizos municipais instalados no edificio.
7. A Deputación Provincial poderá instalar na fachada do inmovible, así como na zona de acceso do interior do edificio, os rótulos correspondentes indicativos do Servizo Provincial de Recadación para facilitar o acceso aos cidadáns.
8. Será por conta do Concello o pago dos tributos relativos ao citado local.
9. A Deputación provincial da Coruña comprométese a manter o local en perfectas condicións de uso mentres dure a cesión de uso gratuíta.
10. O Concello de Arteixo comprométese a executar a retirada dos biombos de separación existentes para unificar os dous locais cedidos.

IV.- OBRAS E INSTALACIÓNS

O Concello de Arteixo, baixo a supervisión e aprobación dos seus técnicos, autoriza a Deputación Provincial da Coruña a realizar, durante a vixencia do presente convenio, todas as obras que estime necesarias para a adaptación, reforma, conservación e mantemento do local cedido, e das súas instalacións, cuxos gastos abonará a Deputación Provincial, despois da a correspondente tramitación administrativa de acordo ca normativa reguladora da contratación administrativa e do gasto público, .

V.- DURACIÓN

O Concello de Arteixo cede o uso do local por un prazo mínimo de dez anos contados a partir da firma do presente convenio, prorrogable tacitamente por períodos sucesivos, se ningunha das dúas partes previsa cunha antelación mínima de seis meses

VI.- COMISIÓN DE SEGUEMENTO

Para coordinar as actuacións e as posibles dúbidas que podan xurdir da execución do presente convenio, constituirase unha comisión de seguimento formada por dous representantes de cada unha das institucións designados polos respectivos presidentes.

VII.- NATURALEZA XURIDICA

O presente convenio ten carácter administrativo e as cuestións litixiosas que poidan xurdir en relación co mesmo, serán competencia da Xurisdición Contencioso-Administrativa.

Faise constar que o presente convenio foi aprobado polo Pleno da Corporación Provincial en sesión celebrada o 9 de setembro de 2016

E en proba de conformidade, asinan en exemplar cuadruplicado o presente convenio, no lugar e data indicados no encabezamento.

O PRESIDENTE,

Asdo.: Valentín González Formoso

O ALCALDE-PRESIDENTE DO
CONCELLO DE ARTEIXO

Asdo.: Carlos Calvelo Martínez